



# AR VRETONED D'AN TAN

War don kaër *C'hoan-ted neuz an All-man-ted fall, C'hoan-ted neuz an All-man-ted* War don kaër  
*An Alarc'h fall, Dont c'hoaz da zis-tru-ji Bro C'hall. Dinn, dinn, daon! d'ann em-gann! d'ann em-gann!* *An Alarc'h*  
 (Barzaz-Breiz) *ob! Dinn, dinn, daon! d'ann em-gann! Ec'h an!* (Barzaz-Breiz)

I  
 C'hoantet neuz an Allmanted fall (*diou wech*)  
 Dont c'hoaz da zistruji Bro C'hall.

DISKAN

Din din daon, d'an emgann, d'an emgann,  
 Ho!  
 Din din daon, d'an emgann  
 Ec'h an!

II

Kredi' re Gwillou, al loen brein (*diou wech*)  
 En Pariz 'oa fitchel e lein.

III

Mez meur a viz a zo dija  
 Eman al lein-ze o iena.

IV

Nevenli vad d'ar C'hallaoued  
 Ha malloz ru d'an Allmanted!

V

Malloz d'an drasterien groage,  
 Merc'hed yaouank ha bugale!

VI

An dud koz ganté 've lac'het  
 Hag an ilizou distrujet.

VII

Hag ar paour kez Beljik vihan  
 'Zo laket en gwad hag en tan.

VIII

Mez ar Franz hag he mignoned  
 'Vit ar Frankiz a zo savet

IX

Ha deuz an tu all d'ar mor don  
 Eo deut armeou ar Zozon

X

Ar Veljik, Bro-Zoz hag ar Franz,  
 Me 'gred er wec'h-man devo 'lanz!

XI

Deuz an Alzas betek Dixmud  
 'Deuz lac'het d'è millierou tud.

XII

Ha prestik rivier braz ar Rhin  
 Gant o gwad a vo liou d'ar gwin!

XIII

Hag ar Russi, deuz an tu all  
 A wash warné gwella ma c'hail.

XIV

En Breiz-Izel ar botred vad  
 A zo ét holl da vrezellât

XV

Skrignet 'neuz bleizi Breiz-Izel  
 O klevet embann ar brezel

XVI

Elec'h ma 'n emgann Bretoned  
 A red puill gwad an Allmanted

XVII

Ha pa gavont potred Gwillou  
 Ar re-man 'goue a druilladou.

XVIII

Gras d'ar Franz eman Breiz-Izel  
 O rei d'ei ar gwella skoazel.

XIX

C'houi, tadou ha mammou kristen  
 Kasil da Zoue eur beden.

XX

Da c'houenn gras d'ho pugale  
 Dont c'hoaz d'ho kwelet en bue

XXI

Hag ive 'vit an dud varo  
 'Deus skuillet o gwad 'vit o bro

XXII

Ma 'vo skany d'è an douar ien  
 Ha ma voint eurus da viken.

XXIII

Ma voint eurus 'kichen Doue  
 P'o deuz gonezet al lore!

XXIV

Kasil da Zoue eur beden  
 Evit ma echuo souden

XXV

Ar brezel hag e holl garnach  
 Gwasoc'h 'vit er broiou sovach.

XXVI

Potred ar Prus 'lec'h ma kouefont  
 Betek de ar Varn a chomfont

XXVII

An douar a gonezo eus ar gwe  
 'Rai douar binniget war o be!

DISKAN

Din din daon, d'an emgann, d'an emgann,  
 Ho!  
 Din din daon, d'an emgann  
 Ec'h an!

Pierre JAOUAN. — Tous droits réservés